

## Ердур ял памаш.

Тиде памашым курык ўмбал памаш маныт. Памашын тўнгалтышыже Курык ўмбалне. Курык «Йошкар сер» пўртўс памятникын кумдыкышкыжо пура. Памаш Ердур ялыш Нылкудо ял мogyрым пурымаште пурла вельште верланен.

Ердур ял калык памаш вўдым кучылт илат: ялыште ни таве, ни колонка уке. Памаш курык гыч йоген вола. Икмыняр памаш шинча уло. Вўд лапкан йога, садлан вўдлан погынаш ик верыште кўртньо бочкым шындыме, тушко йоген пура да тушечын пуч дене ялышкыла йоген вола. Ял вуйышто изирак пўртыште йоген шинча. Ялышке труба дене шушмо да куд вере уремыште колонка уло. Ялыште кажне сурт гаяк вўдым пўртыш, пакчаш пуртеныт. Тиде чыла курыкысо памаш вўд.

Курык памаш ожно годсек уло. Пеш ожно курыкыш вургем шўалташ коштыныт. Тушто пу, пўрня гыч ыштыме волак лийын. Вўдым ял шенгел Ердур ер гыч йўыныт, памашыш шумеш вўдлан коштын огытыл. Памаш ял деч тораштырак йога, садлан вўдым илен толын пуч дене ялыш волтеныт.